

# კავლე მოციქულის პირველი წერილი ტიმოთეს მიმართ

## მისაღმება

**1** ბავლე, ქრისტე იესოს მოციქული, ღვთის, ჩვენი მაცხოვრის და ჩვენი სასოების, იესო ქრისტეს ბრძანებით.

**2** ტიმოთეს, ჭეშმარიტ შვილს რწმენაში: მაღლი, წყალობა და მშვიდობა მამა ღმერთისა და ჩვენი უფლის ქრისტე იესოსაგან.

## ამცნე ზოგიერთებს, ხომ ახ ასწავლონ სხვა ხამ

**3** როცა მაკედონიაში მივდიოდი, გთხოვდი დარჩენილიყავი ეფესოში და გემცნო ზოგიერთებისათვის, რომ არ ასწავლონ განსხვავებული რამ

**4** და არ შეაჩერონ ყურადღება ზღაპრებსა და დაუსრულებელ საგვარტომო ნუსხებზე, რომლებიც დავას უფრო იწვევენ, ვიდრე ღვთიურ მნებობას რწმენაში.

**5** ხოლო მცნების მიზანია წმიდა გულით, კეთილი სინ-

დისითა და უთვალთმაქცო რწმენით სიყვარული,

**6** რასაც ზოგიერთები ასცდნენ და გადაუხვიეს ამოლაყბობისაკენ.

**7** რადგან სურთ რჯულის მასწავლებლები იყვნენ, არ კი გაეგებათ, რას ლაპარაკობენ და რას ამტკიცებენ.

**8** ხოლო ჩვენ ვიცით, რომ რჯული მაშინ არის კეთილი, თუ ვინმე ჭეროვნად იყენებს მას.

**9** ცნობილია, რომ რჯული დადგენილია არა მართალთათვის, არამედ ურჯულოთა და ურჩთა, უღვთოთა და ცოდვილთა, გარყვნილთა და უწმიდურთა, დედ-მამის მკვლელთა და კაცის-მკვლელთათვის,

**10** მეძავთა და მამათმავლთა, კაცის-მპარავთა და ცრუთა, ფიცის გამტეხთა და ყველა სხვათათვის, ვინც საღ მოძღვრებას ეწინააღმდეგება,

11 კურთხეული ღვთის დიდებული სახარების თანახმად, რომელიც მე მაქვს მონდობილი.

### ქრისტეს მოხვდა

#### სოფლითა გადასახრენად

12 ვემადლიერები მას, ვინც ძალა მომცა – ჩვენს უფალს ქრისტე იესოს, რომელმაც სარწმუნოდ მიმიჩინია და განმაწესა მსახურებად.

13 მე, რომელიც უწინ მგმობელი, მღევნელი და შეურაცხმყოფელი ვიყავი, მაგრამ შეწყალებულ ვიქენი, ვინაიდან უმეცარი ვიყავი და ვიქცეოდი ურწმუნოებით.

14 მაგრამ უფრო მეტად გაუხვდა ჩვენი უფლის მადლი რწმენით და სიყვარულით ქრისტე იესოში.

15 სარწმუნოა და სრულიად მიღების ღირსია სიტყვა, რომ ქრისტე იესო მოვიდა სოფელში ცოდვილთა სახსნელად, რომელთა შორის პირველი მე ვარ.

16 სწორედ იმიტომ ვიქენი შეწყალებული, რომ იესო

ქრისტეს ჩემით პირველად ეჩვენებინა მთელი სულგრძელება მათდა სამაგალითოდ, რომლებიც ირწმუნებენ მას საუკუნო სიცოცხლისათვის.

17 ხოლო საუკუნეთა მეფეს, უბრწუნელს, უხილავს, ერთადერთ ღმერთს – მას დიდება და პატივი უკუნეთი უკუნისამდე. ამინ.

### ტიმოთემ დაიცვა ხნმენა

#### და ნინალუგეს ღვთის

#### მგმობელთ

18 ამ მცნებას შენ განდობ, შვილო ტიმოთე, შენზე მოვლენილი უწინდელი წინასწარმეტყველების თანახმად, რათა იომო, როგორც კეთილმა მეომარმა,

19 გქონდეს რწმენა და კეთილი სინდისი, რომელიც უარყვეს ზოგიერთებმა და დაიმსხვრა მათი რწმენის ხომალდი.

20 მათგან არიან ჰიმენეუსი და ალექსანდრე, რომლებიც სატანას გადავეცი, რათა ისწავლონ, რომ აღარ დაგმონ.

ილოცეთ ყველასთვის,  
განსაკუთრებით მმართვე-  
ლებისთვის

2 ამრიგად, უწინარეს ყოვე-  
ლისა, შეგაგონებთ, ჰყოთ  
ვედრებანი, ლოცვანი, შუა-  
მდგომლობანი და მადლიერე-  
ბანი ყველა ადამიანისათვის,

2 მეფეებისა და ყველა  
მბრძანებლისათვის, რათა  
მშვიდად და წყნარად ვიც-  
ხოვროთ სრული ღვთისმოსა-  
ობით და ბატონსებით,

3 ვინაიდან ეს კეთილი და  
სათნოა ჩვენი მაცხოვარი  
ღვთისათვის,

4 რომელსაც ნებავს, რომ  
ყველა ადამიანი გადარჩეს  
და მიაღწიოს ჭეშმარიტების  
ცოდნას.

5 ვინაიდან ერთია ღმერ-  
თი და ერთია ღმერთსა და  
კაცთა შორის შუამავალი –  
კაცი ქრისტე იესო,

6 რომელმაც თავი გასწი-  
რა ყველას გამოსახსნელად,  
რისი მოწმობაც იყო თავის  
დროზე,

7 რომლისთვისაც მე დად-  
გენილი ვარ მქადაგებლად  
და მოციქულად – ჭეშმარი-

ტებას ვლაპარაკობ ქრისტე-  
ში და არ ვცრუობ, – წარმა-  
რთთა მასწავლებლად რწმე-  
ნასა და ჭეშმარიტებაში.

8 ამიტომ ჩემი სურვილია,  
რომ ყველგან ლოცულობდ-  
ნენ კაცები და აღაპყრობდ-  
ნენ წმიდა ხელებს რისხვისა  
და ეჭვის გარეშე.

ქალების ჩაცმულობისა და  
მათი ყოფაქცევის  
შესახებ

9 ასევე დედაკაცებიც, წე-  
სიერი სამოსლით, მორცხვო-  
ბით და კდემამოსილებით  
შეიმკონ, არა თმის დაწვნით  
და ოქროთი, ან მარგალიტე-  
ბით, ან ძვირფასი ტანსაცმ-  
ლით,

10 არამედ კეთილი საქმე-  
ებით, როგორც შეჰფერით  
დედაკაცებს, რომლებმაც  
ღვთისმოსაობა იჩინეს.

11 დედაკაცი უნდა სწავ-  
ლობდეს მღუმარებაში სრუ-  
ლი მორჩილებით.

12 დედაკაცს არ ვაძლევ  
სწავლების ნებას, არც ქმარ-  
ზე ბატონობისას, არამედ  
იყოს მღუმარედ.

13 ვინაიდან პირველად ადამი შეიქმნა და მერე ევა.

14 ადამი კი არ შემცდარა, არამედ დედაკაცი შეცდა და დანაშაული ჩაიდინა.

15 თუმცაღა გადარჩება შვილების შობით, თუ იღგება რწმენაში, სიყვარულში და სიწმიდეში კდემამოსილებით.

### ეპისკოპოსობის

#### პიხობები

3 სარწმუნოა სიტყვა: თუ ვინმეს ეპისკოპოსობა სურს, კეთილი საქმე სურს.

2 ხოლო ეპისკოპოსი უნდა იყოს უმწიკვლო, ერთი ცოლის ქმარი, ზომიერი, აზრიანი, წესიერი, სტუმართმოყვარე, დამმოდღვრავი,

3 არა ლოთი, არა მოჩხუბარი, არამედ შემწყნარე, უშარო და ვერცხლის უყვარული,

4 თავისი სახლის კარგი განმგებელი, რომელსაც შვილები მორჩილებაში ჰყავს ყოველგვარი ღირსებით.

5 ვინაიდან: თუ ვინმემ საკუთარი სახლის განმგებლო-

ბა არ იცის, როგორ იზრუნებს ღვთის ეკლესიაზე?

6 ნურც ახალმოქცეული იქნება, რათა არ გაკადნიერდეს და ეშმაკის სამსჯავროში არ აღმოჩნდეს.

7 ასევე კარგი მოწმობა უნდა ჰქონდეს გარეშეებისაგან, რათა სირცხვილში და ეშმაკის მახეში არ გაებას.

### პიხობები დიაკნობისა

8 დიაკვნებიც პატიოსნები უნდა იყვნენ, არა ორპირნი, ღვინოს ნაკლებად მიძალებულნი, არა ანგარნი,

9 რათა წმიდა სინდისით ინახავდნენ რწმენის საიდუმლოებას.

10 ესენიც წინასწარ უნდა გამოიცადონ და მერე, თუ უბიწონი იქნებიან, იმსახურონ.

11 ასევე მათი ცოლებიც უნდა იყვნენ პატიოსნები, არა მახეზლარნი, კდემამოსილნი და ყველაფერში ერთგულნი.

12 დიაკვანიც ერთი ცოლის ქმარი იყოს, შვილები-სა და თავისი სახლის კარგი განმგებელი.

13 ვინაიდან კეთილად მომსახურენი თავიანთთვის იმზადებენ კეთილ პატივს და დიდ სიმტკიცეს ქრისტე იესოს რწმენაში.

### ღვთის სახელში მოქცევისათვის

14 ამას გწერ შენ და, იმედი მაქვს, მალე მოვიდე შენთან.

15 მაგრამ თუ დავიგვიანებ, იცოდე, როგორ მოიქცე ღვთის სახელში, რომელიც არის ცოცხალი ღვთის ეკლესია, ჭეშმარიტების სვეტი და საფუძველი.

16 უცილობლად დიდია ღვთისმოსაობის საიდუმლო: ღმერთი გამოჩნდა ხორცში, გამართლებულ იქნა სულში, დანახულ იქნა ანგელოზების მიერ, ნაქადაგები იქნა წარმართებში, მიღებულ იქნა სოფელში რწმენით და ამაღლდა დიდებაში.

### გაუფთხილება ცხუმოდუხების წინააღმდეგ

4 ხოლო სული გარკვევით ამბობს, რომ უკანასკ-

ნელ დღეებში ზოგიერთები განდგებიან რწმენისაგან, დაუჭერებენ მაცდურ სულებს და ეშმაკთა მოძღვრებებს,

2 თვალთმაქცობით ცრუმეტყველთ, რომელთა სინდისიც დადაღულია,

3 რომლებიც კრძალავენ შეუღლებას და აიძულებენ თავშეკავებას საკვებისაგან, ღმერთმა რომ შექმნა, რათა მადლიერებით ჭამონ ჭეშმარიტების მორწმუნეებმა და მცოდნეებმა.

4 ვინაიდან ღვთის გაჩენილი ყოველივე კარგია და არაფერია უარსაყოფი, თუ მადლიერებით იქნება მიღებული,

5 რადგან იწმიდება ღვთის სიტყვით და ლოცვით.

### გაუფთხილნი თავს და სწავლებას

6 თუ ასე შთააგონებ ძმებს, იქნები იესო ქრისტეს კეთილი მსახური რწმენის სიტყვებით და იმ კეთილი სწავლით ნაზარდი, რომლის მიმდევარიც გახდი.

7 ოღონდ უწმიდურ და დედაბრუნულ ზღაპრებს მოე-

რიდე და ღვთისმოსაობაში გაიწვართე.

8 ვინაიდან ხორციელი წვრთნა ნაკლებად სასარგებლოა, ღვთისმოსაობა კი ყველაფერში გამოსადეგია, რადგან აღგვითქვამს სიცოცხლეს აწმყოშიც და მომავალშიც.

9 ეს სიტყვა სარწმუნოა და ღირსია სრული მიღებისა.

10 ვინაიდან იმისათვის ვშრომობთ კიდევ და ვიღწვით, რომ მინდობილნი ვართ ცოცხალ ღმერთს, რომელიც მაცხოვარია ყველა ადამიანისა, უფრო მეტად კი მორწმუნეთა.

11 ეს ამცნე და ასწავლე.

12 თავს ნუ დაამცირებინებ შენი სიჭაბუკის გამო, არამედ მორწმუნეთათვის მაგალითი იყავი სიტყვაში, საქმეში, სიყვარულში, სულში, რწმენაში, სიწმიდეში.

13 ვიდრე მოვიდოდე, მიჰყევი კითხვას, შეგონებას და სწავლებას.

14 ნუ უგულებელყოფ შენში არსებულ ნიჭს, რომელიც

მოგეცა წინასწარმეტყველებით და უხუცესთა ხელდასხმით.

15 ამაზე იზრუნე და ამაზე იდექი, რათა ყველასათვის ცხადი იყოს შენი წარმატება.

16 გაუფრთხილდი თავს და სწავლებას. ამას უერთგულე, რადგან ასეთი მოქმედებით შენს თავსაც იხსნი და შენს მსმენელთაც.

### პირველი მოწყობის შესახებ

5 ნუ შერისხავ ბერიკაცს, არამედ შეაგონე, როგორც მამას, ყმაწვილკაცებს კი – როგორც ძმებს,

2 დედაბრებს – როგორც დედებს, ყმაწვილქალებს – როგორც დებს, მთელი სიწმიდით.

### ქვიზების მიმართ მოქცევისათვის

3 პატივი ეცი ქვრივებს, რომლებიც ნამდვილი ქვრივები არიან.

4 ხოლო თუ ქვრივს ჰყავს შვილები ან შვილიშვილები, უწინარეს ყოვლისა, ისწავ-

ლონ თავიანთი ოჯახის პატივისცემა და მშობლებისათვის სამაგიეროს მიგება, ვინაიდან ეს კეთილი და მოსაწონია ღვთისათვის.

5 ნამდვილი ქვრივი და მარტოხელა ღმერთსაა მინდობილი და ვედრებასა და ლოცვაში ატარებს ღამესა და დღეს.

6 ავხორცი კი ცოცხლივ მკვდარია.

7 ეს ამცნე, რათა უბიწონი იყვნენ.

8 ხოლო, ვინც არ ზრუნავს თავის ახლობლებზე, უფრო მეტად კი თავის სახლეულებზე, იგი განუდგა რწმენას და ურწმუნოზე უარესია.

9 ქვრივად უნდა შეირაცხოს სამოც წლისაზე უხნესი, ერთი ქმრის ნაცოლარი,

10 ცნობილი კარგი საქმეებით, თუ მას გამოუზრდია შვილები, უმასპინძლია, ფეხები უბანია წმიდათათვის, დახმარებია გაჭირვებულებს და მიჰყოლია ყოველგვარ კეთილ საქმეს.

11 ახალგაზრდა ქვრივებს კი მოერიდე, ვინაიდან ეუფლებათ აღზნება, ქრისტეს

საწინააღმდეგო და გათხოვების სურვილი უჩნდებათ.

12 ისინი განისჯებიან, ვინაიდან უარყვეს თავიანთი პირვანდელი რწმენა.

13 და კიდევ: უსაქმურობაში ისწავლეს კარდაკარ სიარული, და არა მარტო უსაქმურნი არიან, არამედ ყბედებიც და ცნობისმოყვარენიც და ისეთ რამეს ლაპარაკობენ, რაც არ შეეშენით.

14 ამიტომ ჩემი სურვილია, რომ ახალგაზრდები გათხოვდნენ, გააჩინონ ბავშვები, იდიასახლისონ და არ მისცენ მტრებს ლანძღვის არანაირი საბაბი.

15 ვინაიდან ზოგიერთი მათგანი სატანის კვალს გაჰყვა.

16 თუ რომელიმე მორწმუნე კაცს ან ქალს ჰყავს ქვრივები, დაეხმაროს მათ და ტვირთად არ დააკისრონ ეკლესიას, რათა მას შეეძლოს ნამდვილი ქვრივების რჩენა.

### ხუცესებისადმი

#### მოჰყიხობის შესახებ

17 ხუცესნი, რომლებიც წესიერად ასრულებენ საქმეს,

ორმაგი პატივის ღირსნი უნდა იყვნენ, უფრორე კი ისინი, რომელნიც იღწვიან ქადაგებითა და დამოდვრით.

18 ვინაიდან წერილი ამბობს: „პირს ნუ აუკრავ ხარს ლეწვისას.“ და კიდევ: „მშრომელი ღირსია თავისი საზღაურისა“.

19 ხუცესებზე ბრალდებას ნუ მიიღებ, თუ არ გეყოლება ორი ან სამი მოწმე.

20 შემცოდენი ამხილე ყველას წინაშე, რათა სხვებმაც იქონიონ შიში.

21 ღვთისა და უფლის იესო ქრისტეს და რჩეულ ანგელოზთა წინაშე გაფიცებ, და იცვა ეს წინასწარ აკვიატებული აზრის გარეშე და არაფერი გააკეთო მიკერძოებით.

22 არავის დაასხა ხელი აჩქარებით და არ გახდეს სხვათა ცოდვების მოზიარე. წმიდად შეინახე თავი.

23 ნულა სვამ მარტო წყალს, ცოტა ღვინოც იხმარე შენი კუჭისა და შენი ხშირი უძღურების გამო.

24 ზოგიერთი ადამიანის ცოდვები წინასწარ ცხადია

და სამსჯავროსკენ მიუძღვება წინ, ზოგიერთს კი უკან მიჰყვება.

25 ასევე კეთილი საქმეებიც წინასწარ ცხადია და, თუ არა, მაინც ვერ დაიმალება.

### მონები და ბატონები

**6** მონებმა, რომლებიც უღელქვეშ იმყოფებიან, ყოველგვარი პატივის ღირსად უნდა ჩათვალონ თავიანთი პატრონები, რათა არ იგმოს ღვთის სახელი და მოძღვრება.

2 რომელთაც მორწმუნე პატრონები ჰყავთ, ნუ მოექცევიან მათ უპატიოდ, რახან ისინი ძმები არიან. არამედ უფრო მეტად ემსახურონ, ვინაიდან მორწმუნენი არიან და, საყვარელნი, და ქველმოქმედებას ეწევიან. ეს ასწავლე და შეაგონე.

3 ვინც სხვანაირად ასწავლის და არ მიჰყვება ჩვენი უფლის იესო ქრისტეს საღ სიტყვებს და ღვთისმოსაობის მოძღვრებას,

4 ის ამპარტავანია და არაფერი იცის, არამედ კამათი-

სა და პაექრობის სენი სჭირს, საიდანაც წარმოიშობა შური, დავა, გმობა და ბოროტი ეჭვი,

5 ფუჭი კამათი გარყვნილი გონებისა და ჭეშმარიტებას მოკლებულ კაცთა შორის, რომელთაც ღვთისმოსაობა მოსახვეჭი რამ ჰგონიათ. ერთდღე ასეთ ადამიანებს.

6 მაინც დიდი შენაძენია ღვთისმოსაობა კმაყოფილებასთან ერთად.

7 რადგან არც არაფერი მოგვიტანია სოფლად და, ცხადია, ვერც ვერაფერს წავიღებთ მისგან.

8 ამიტომ, თუ გვაქვს საზრდო და ტანსაცმელი, დაგჭერდეთ ამას.

9 ხოლო გამდიდრების მსურველნი ცვივიან განსაცდელსა და მახეში, მრავალბრიყვულ და მავნე გულისთქმაში, რომელნიც გასანადგურებლად და დასალუბად უბიძგებენ ადამიანს.

10 ვინაიდან ყოველგვარი ბოროტების ფესვი ვერცხლის მოყვარეობაა და ზოგიერთები, რომლებიც მან გაი-

ტაცა, განშორდნენ რწმენას და თავიანთ თავს მრავალი ტკივილი მიაყენეს.

### ილვანე ხნმენის კეთილი ღვანით

11 შენ კი, ღვთის კაცო, გაერიდე ამას და მისდევ სიმართლეს, ღვთისმოსაობას, რწმენას, სიყვარულს, მოთმინებასა და სიმშვიდეს.

12 ილვაწე რწმენის კეთილი ღვაწლით, ჩაეჭიდე საუკუნო სიცოცხლეს, რომლისთვისაც მოწოდებული ხარ, და აღიარე კეთილი აღსარება მრავალი მოწმის წინაშე.

13 ოვლისმაცოცხლებელი ღმერთისა და, პონტოელი პილატეს დროს კეთილი აღსარების დამმოწმებლის, ქრისტე იესოს წინაშე

14 დამიკისრებია შენთვის, დაიცვა მცნება უბიწოდ და უმწიკვლოდ, ვიდრე ჩვენი უფალი იესო ქრისტე გამოჩნდებოდეს,

15 რასაც თავის ჟამზე გვახილვინებს ნეტარი და ერთადერთი ხელმწიფე, მეფეთა მეფე, უფალთა უფალი,

16 ერთადერთი, რომელსაც უპყრია უკვდავება, მკვიდრობს მიუწვდომელ ნათელში, რომელიც არავის უხილავს ადამიანთაგან და არც ძალუძს მისი ხილვა. მას პატივი და საუკუნო მეუფება. ამინ.

**მღიდახ მოხნმუნებს.  
ცხუ მასწავლებლის  
ნინაალმღუბ**

17 ამ საუკუნის მდიდრებს ამცნე, რომ არ გადიდგულდნენ, არ მიენდონ მაცდურ სიმდიდრეს, არამედ ცოცხალ ღმერთს, რომელიც ყველაფერს უხვად გვაძლევს მოსახმარად,

18 რომ იყვნენ ქველმოქმედნი, გამდიდრდნენ კეთილი საქმეებით, იყვნენ გულუხვნი და გამზიარებელნი.

19 დაიუნჯონ საუნჯე მტკიცე საფუძვლად მომავლისათვის, რათა მიაღწიონ ჭეშმარიტ სიცოცხლეს.

20 ო, ტიმოთე, გაუფრთხილდი მობარებულს, განერიდე უწმიდურ ლაყბობას და ეგრეთწოდებული მოძღვრების უკუღმართ დებულებებს,

21 ზოგიერთებმა რომ აღიარეს და რწმენას ჩამოშორდნენ. მადლი შენთან. ამინ.